

**OFFICE OF THE DEPUTY COMMISSIONER
KHAWZAWL DISTRICT, KHAWZAWL**

No.B.13024/1/2020-DC(KZL)

Khawzawl, the 2nd November, 2020

O R D E R

District Disaster Management Authority meeting dt. 20.07.2020 chuan Khawzawl District a notified towns pathum ah lirnghing leh leimin laka kan him tlan zawk nan "building audit" neih nise tiin a rel a, building audit nei turin Additional Deputy Commissioner leh Chief Executive Officer, District Disaster Management Authority kaihhrucaina hnuaiiah Technical Team din a ni a.

Village Disaster Management Committee, Khawzawl Village Council - VII hnen atangin chhiatrupna a lo thlen thulha in ding hlauhawm an tih zingah Power and Electricity Department hnuaiiah 132 KV Control Room building, Hermon Veng hi a tel thu ziakin tahrik ni 29.07.2020 khan report dawn a ni a. Khawzawl Power Division hnuaiiah 132 KV Control Room, Hermon Veng, Khawzawl hi RCC building hlui tawh tak, kum 1994 vela sak tawh kha a ni reng a.

132 KV Control Room, Hermon Veng, Khawzawl hi Technical Team in August ni 6, 2020 khan a hmunah kalin an enfiah a. He building hi a hlui tawh hle a, a ban leh ban inkar hi feet 24 laia zau a ni a, a beam a len tawh loh avang leh a beam span hi a thui em avangin a him lo hle tih hriat ani a. Tunah hian a beam ti chak turin ban leh ban inkar hmun engemawzatah thirban in temporary a do belh mek a ni. A chung plaster a tla nasa tawh a, a bang hmun thenkhatah khi inrin riak a awm bawk a. Technical Team chuan he Control Room building hi him tawh tawh lo in a hria a, a building dinhmun enin thawmthat emaw, tihchak emaw ai chuan a thar sak law law chu thil tih awm tak zawk niin a ngai a. Chuvangin Disaster Management Act, 2005 section 34(h) tlawhchhanin P&E Department, Govt. of Mizoram hnenah building thar sa tura recommendation siam nise tiin rawtna a thlen a.

District Disaster Management Authority meeting dt. 20.10.2020 chuan 132 KV Control Room building, Hermon Veng, Khawzawl chungchang chu ngun takin a ngaihtuah a, he Control Room a thawktute leh a chungah Sub-Divisional Officer, P&E office a thawktute himna atan leh Control Room a khawl pawimawh tak tak awm te himna tur ngaihtuahin Disaster Management Act, 2005 section 34(k) tlawhchhanna kum khat chhunga thiah tura thupek siam nise tiin a rel zui ta a.

Chuvangin, kei, Zothanmawia, Deputy Commissioner, Khawzawl District leh Chairman, District Disaster Management Authority, Khawzawl chuan Disaster Management Act, 2005 section 34(k) leh section 26(1) in thuneihna min pek angin Khawzawl Power Division hnuai 132 KV Control Room building, Hermon Veng, Khawzawl hi a thawktute bakah mipui vantlang him nan leh chhiatrupna nasa zawk a thlen loh nan he order chhuah atanga kum khat chhunga thiah turin thupek ka chhuah e.

Sd/- ZOTHANMAWIA

Chairman

District Disaster Management Authority

&

Deputy Commissioner

Khawzawl District, Khawzawl

Khawzawl, the 2nd November, 2020

Memo No.B.13024/1/2020-DC(KZL)

Copy to:

1. PS to Deputy Chief Minister, Mizoram
2. Secretary, Disaster Management & Rehabilitation Department
3. Secretary, Power & Electricity Department
4. Engineer-in-Chief, Power & Electricity
5. Director, Disaster Management & Rehabilitation
6. Superintending Engineer, Champhai Power Circle
7. Executive Engineer, Khawzawl Power Division
8. All Members, DDMA
9. Website Manager for uploading in the website


(ZOTHANMAWIA) 2.11.20

Chairman

District Disaster Management Authority

&

Deputy Commissioner

Khawzawl District, Khawzawl